

VVestphalam à Vesta dea sic dictam arbitrantur: namque nonnullis Germanorum cultam fuisse quidam asseuerant: Vvestphalos ergo quasi Vestalios dictos esse. Malunt tamen alij à vento Occidentali. qui enim vltra Visurgim flu. Orientalem plagam occupant, Ostuali Saxones cognominantur, ab Oost vento Orientali, & Valen, quod Saxonibus sua lingua pullum equinum significat: hunc enim in militaribus Signis habuerunt. ætas id nominis aboleuit in Orientalibus, & generalis illa Saxoniz appellatio permanfit. Sic Vvestphali qui citra Visurgim versus Occasum habitant, ab Vvest Occiduo vento nuncupantur. Volunt autem nonnulli à Veldt (id est campo) potius quàm Valen dici Vvestphalos. Aiunt enim agrum Visurgi Rhenoque flu. interceptum Vvestuelt, cultores autem eius Vvestueldingos appellari. Saxonum olim gens, quæ cum ob sui vastitatem variosque cultores in plures prouincias scinderetur, huic ob dictas iam causas id nominis contigit. Horum sedes Dulgibinos olim tenuisse conijciunt. Hinc Bructeros qui à Charmanis Angriuariisque eiekti, hinc secedentes in Sarmatiam concessere, & ad Baltheum mare domitis aut expulsi Vlmigeris consedere; Hodierni cultores robusti, procerique corporis, animi magni, bellicosi & ingeniosi deprehenduntur: vt proverbio dici soleat Vvestphalis plures astutos, subdolos, versipellesque, quàm stultos gigni. Regio est ampla, spaciofa & capax, compluribus distincta dominijs. Ducatus continuit olim Vvestphaliensem, Vvesaliensem & Angriensem Angriuariorum vestigium. huius sibi principatum Colonienfis Antistes vendicat, Saxonumque principes Angriæ se duces esse dicunt. Monasterienfis autem Angrienfisque tractus incolæ Colonienfium Episcopo parent, ipsiusque nobilibus, quorum ferè mancipia sunt, ac iugum durissimum sufferunt. Resident autem in vniuersa Vvestphalia Episcopi quatuor: Bremensis nimirum, ad Visurgim in ora iuxta Saxoniam. Myndensis ad eundem amnem versus Thuringiam. Padebornensis (Teutericum Ptolemæo) ad Lupiam in Hassiæ confinibus. Monasterienfis in mediterraneis ad Amefim flu. Hæc autem prouincia Saxonum olim portio fuerat. Verum cum eius incolæ vnà cum Longobardis Italiam inuasissent, ac tandem in patriam sedesque suas reuersi essent, Westfalen (vt quibusdam placet) dici cœperunt, ac in umbilico suæ regionis urbem ædificantes, eam Mediolanum vocarunt, vocabulo mutato ab Italiæ Mediolano. Asseuerant tamen quidam oppidum ibidem extructum aliquando Mymingrodt vocatum, quo loco Carolus Magnus Episcopatum constituit, ac deinceps monasterium ædificatum est, à quo vrbs nomen deinde mutata est suo amisso. Comitatus, nobiliumque sedes penè infinitæ, quarum præcipuæ numerantur à Septentrionis parte initio sumpto Bufactorum maiorem sedes Oldenburgenfis Comitatus ad Hontam flu. Hinc versus Ortum sequuntur ad eundem amnem & lacum Dum & Diepholtenfis, Ridborgenfis, Rauenspergenfis, Lupienfis, Schovvenburgenfis in Angrienfi Ducatu. in Meridie habet Comitatum Marchiensem Bructerorum antiquas sedes & Recklinchusen diocæsin. In Occid. habet Bentheimensem comit. Bufactorum minorum locum: ac in mediatullo Teckelnburgensem comit. Osnabrugensem Canoniatum iuxta Has flu. ac ibidem Lingense territorium. Regio pluribus urbibus exornata. ager ipse pecorum pascuis quàm aruis lætior. Salis ac metallorum minæ minimè destituitur regio. Pecuariz enixè student, vnde & domesticorum animalium numerosissimos greges alunt: ferarum etiam affatim habent per Sylvarum sufficienti: cuiusmodi sunt. dat Hensterholt, & die Huert & Hostmarck: item Teutoburgenfis Saltus ad Lupiz ortum. Montes collesque plurimi vt Baenberg & alij. fluminibus paludibusque multis irrigua. Visurgi, Amesi, Glaz, Berckel, quorum fontes plerique hic reperiuntur. Vidrus autem, vulgò die Vecht ex Hassicis montibus (Abnobzios Ptolemæus vocat) ortus, recto cursu per Vvestphalos ductus, in Frisiorum confinibus mari Australi miscetur. Visaris itidè (die Weser) ex Meliboco Hassiæ monte ortus, cuius caput & fons VVerra dicitur, ac deinceps Bremenfem urbem petens, tandem Oceanum Germanicum ingreditur. Hanc regionem ab Ortus Saxonia claudit: ab Occidente autem Rheno flu. à Septentrione Frisia, Hollandia, Vlraiectensi ac Transsilano tractu, à Meridie Hassiæ montibus excipitur.



